

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা-৫৫/২০১৯-২০২০

ঢাকা, ১৬ সেপ্টেম্বর সোমবার ২০১৯, ১ আশ্বিন ১৪২৬

আজকের দৈনিক পত্রিকাগুলো নিম্নলিখিত বিষয় প্রাথম্য দিয়ে খবর ছেপেছে

- ১। রাষ্ট্রপতির সঙে জাপানের বিদ্যুরী রাষ্ট্রদূতের সাক্ষাৎ :
আর্থসামাজিক উন্নয়নে দীর্ঘমেয়াদী সহায়তা দেবে টোকিও
- ২। জনগণের বন্ধু হিসেবে নিজেদের গড়ে তুলুন : নবীন পুলিশ কর্মকর্তাদের প্রতি প্রধানমন্ত্রী
- ৩। ভারতের ড. কালাম স্মৃতি অ্যাওয়ার্ড পাচ্ছেন প্রধানমন্ত্রী শেখ হাসিনা
- ৪। নেদারল্যান্ডের ডিপ্লোম্যাট ম্যাগাজিন প্রচ্ছদে প্রধানমন্ত্রী শেখ হাসিনা :
মাদার অভি হিউম্যানিটি শীর্ষক প্রতিবেদন প্রকাশ
- ৫। যানজট নিরসনে আনুষ্ঠানিক উদ্বোধনের আগেই
ভুলতা ফ্লাইওভার যান চলাচলের জন্য খুলে দেয়া হয়েছে : সেতুমন্ত্রী
- ৬। অধিক সার ব্যবহার পরিবেশের জন্য ক্ষতিকর : কৃষিমন্ত্রী
- ৭। আয়কর আপিল ট্রাইবুনালে জেলা জজ নিয়োগ হবে : আইনমন্ত্রী
- ৮। শেয়ারবাজারে না এলে বিমা কোম্পানির লাইসেন্স বাতিল : অর্থমন্ত্রী
- ৯। প্রধানমন্ত্রী শেখ হাসিনা ও নরেন্দ্র মোদির বৈঠক আগামী ৫ অক্টোবর : পররাষ্ট্রমন্ত্রী
- ১০। প্রযুক্তির ব্যবহার আর্থিক খাতে স্বচ্ছতা বাড়াবে : শিল্পমন্ত্রী
- ১১। বহুমুখী বন্ধপথের মেলা শিল্পকে আরও বিকশিত করবে : বন্ধ ও পাটমন্ত্রী
- ১২। বঙ্গবন্ধুর জন্মশতবার্ষিকীতে ১ কোটি গাছ লাগানো হবে : দ্বিজেন শর্মাৰ স্মরণসভায় বনমন্ত্রী
- ১৩। চীনের প্রতিনিধিদলের শূন্যরেখা পরিদর্শন :
নিজ দেশে ফিরতে চীনের সহযোগিতা চাইলেন রোহিঙ্গারা
- ১৪। প্রধানমন্ত্রীর বিদেশ সফর উপলক্ষে বিমানবন্দরে উপস্থিতি নিয়ে মন্ত্রিপরিষদের প্রজ্ঞাপন
- ১৫। দুর্নীতির দায়ে বরখাস্ত হওয়া ব্যাংকারদের তথ্য কেন্দ্রীয় ব্যাংককে জানাতে হবে : প্রজ্ঞাপন জারি
- ১৬। আজ বিশ্ব ওজোন দিবস

১। **রাষ্ট্রপতির সঙ্গে জাপানের বিদায়ী রাষ্ট্রদূতের সাক্ষাৎ :**
আর্থসামাজিক উন্নয়নে দীর্ঘমেয়াদী সহায়তা দেবে টোকিও

বাংলাদেশে জাপানের বিদায়ী রাষ্ট্রদূত হিরোইয়াসু ইজুমি বলেছেন, দেশের আর্থসামাজিক উন্নয়নে জাপান দীর্ঘমেয়াদী সহযোগিতা দিতে আগ্রহী। গতকাল (১৫ সেপ্টেম্বর রোববার) বঙ্গবনে রাষ্ট্রপতি মোঃ আবদুল হামিদের সঙ্গে সাক্ষাৎকালে তিনি তাঁর দেশের এ আগ্রহের কথা জানান। এ সময় তিনি বাংলাদেশে অবস্থানকালে প্রয়োজনীয় সব ধরনের সহায়তা করার জন্য রাষ্ট্রপতি ও বাংলাদেশ সরকারের প্রতি কতজ্ঞতা জানান। বাংলাদেশে তাঁর মেয়াদকাল সাফল্যের সঙ্গে সম্পূর্ণ করার জন্য রাষ্ট্রপতি জাপানী দৃষ্টকে ধন্যবাদ জানিয়ে বলেন, স্বাধীনতার পরপরই ১৯৭২ সালের ফেব্রুয়ারির মাসে জাপান বাংলাদেশকে স্বীকৃতি দেয় এবং তারপর থেকেই দ্বিপাক্ষিক বন্ধুত্ব বজায় রেখে চলেছে। সূত্র : জনকর্ত (পৃ.১৯,ক.৫), আমাদের অর্থনীতি (পৃ.১৯,ক.৫), বাংলাদেশ টুডে (শেষ পৃ.ক.২)।

২। **জনগণের বন্ধু হিসেবে নিজেদের গড়ে তুলুন : নবীন পুলিশ কর্মকর্তাদের প্রতি প্রধানমন্ত্রী**

প্রধানমন্ত্রী শেখ হাসিনা শিক্ষানবিশ সহকারী পুলিশ সুপারদের জনগণের বন্ধু হিসেবে নিজেদের গড়ে তোলার আহ্বান জানিয়ে বলেছেন, নবীন পুলিশ কর্মকর্তা, যারা আজকে এক বছরের মৌলিক প্রশিক্ষণ শেষে কর্মজীবনে প্রবেশ করতে যাচ্ছেন, তাদের এটাই বলয় যে, বিপদে জনগণের বন্ধু, এভাবেই নিজেকে গড়ে তুলবেন। তিনি আরো বলেন, আপনাদের ওপর যে দায়িত্ব তা যথাযথভাবে পালন করবেন এবং সমাজের সমস্ত কালো বিষয়, যা দেশ ও সমাজকে ধ্বংসের পথে নিয়ে যাচ্ছে, যুব সমাজকে ধ্বংসের পথে নিয়ে যাচ্ছে তার বিরচনে অভিযান অব্যাহত থাকবে। গতকাল (১৫ সেপ্টেম্বর রোববার) রাজশাহীর সারদায় বাংলাদেশ পুলিশ একাডেমিতে ৩৬তম বিসিএস (পুলিশ) ব্যাচের শিক্ষানবিশ এসপিদের প্রশিক্ষণ সমাপনী কুচকাওয়াজ উপলক্ষে আয়োজিত অনুষ্ঠানে প্রধান অতিথির বক্তব্যে তিনি এসব কথা বলেন। সূত্র : ইন্ফোক (পৃ.১,ক.৫), ইভিপেনডেন্ট (শেষ পৃ.ক.২), ডেইলি সান (শেষ পৃ.,ক.৭)।

৩। **ভারতের ড. কালাম স্মৃতি অ্যাওয়ার্ড পাচ্ছেন প্রধানমন্ত্রী শেখ হাসিনা**

প্রধানমন্ত্রী শেখ হাসিনা ভারতের ‘ড. কালাম স্মৃতি আন্তর্জাতিক এক্সিলেন্স অ্যাওয়ার্ড-২০১৯’এ ভূষিত হয়েছেন। গতকাল (১৫ সেপ্টেম্বর রোববার) প্রধানমন্ত্রী কার্যালয়ের প্রেস উইঁসের পক্ষ থেকে এ তথ্য জানানো হয়। আজ ঢাকার একটি হোটেলে আয়োজিত অনুষ্ঠানে প্রধানমন্ত্রীর হাতে এ পদক তুলে দেয়া হবে। মানবজাতির উন্নয়নের জন্য কাজ করে যাচ্ছেন এমন ব্যক্তিদের ২০১৫ সাল থেকে প্রতিবছর এ অ্যাওয়ার্ড দেয়া হচ্ছে। বাংলাদেশ-ভারতের মধ্যে সৌহার্দ্যপূর্ণ সম্পর্ক তৈরি, নারী-শিশুদের জীবনমান উন্নয়ন এবং আন্তর্জাতিক শান্তিরক্ষায় বিশেষ অবদান রাখায় এ বছর প্রধানমন্ত্রী শেখ হাসিনাকে এ পদকে ভূষিত করা হয় বলে জানায় ভারতের ‘ড. কালাম স্মৃতি আন্তর্জাতিক এক্সিলেন্স অ্যাওয়ার্ড এডভাইজরি কমিটি’। সূত্র-সংবাদ (শেষ পৃ.ক.২), জনকর্ত (পৃ.১৯,ক.৬), ডেইলি সান (শেষ পৃ.ক.৩), অবজারভার (পৃ.১,ক.১)।

৪। **নেদারল্যান্ডের ডিপ্লোম্যাট ম্যাগাজিন প্রাচৰে প্রধানমন্ত্রী শেখ হাসিনা :**

মাদার অভ্য হিউম্যানিটি শৈর্ষক প্রতিবেদন প্রকাশ

নেদারল্যান্ডসের প্রভাবশালী ডিপ্লোম্যাট ম্যাগাজিনের চলতি সংখ্যায় বাংলাদেশের প্রধানমন্ত্রী শেখ হাসিনাকে নিয়ে ‘শেখ হাসিনা: দ্য মাদার অভ্য হিউম্যানিটি’ শিরোনামে কভার স্টেরি প্রকাশ করা হয়েছে। চলতি সংখ্যার মোড়ক উন্মোচন উপলক্ষে গত ১২ সেপ্টেম্বর বৃহস্পতিবার দ্য হেগের একটি হোটেলে অনুষ্ঠানের আয়োজন করা হয়। অনুষ্ঠানে ডিপ্লোম্যাটের প্রকাশক মেইলিন ডি লারা ও দেশচিতে নিযুক্ত বাংলাদেশের রাষ্ট্রদূত শেখ মুহুম্মদ বেলাল উপস্থিত ছিলেন। রাষ্ট্রদূত প্রাচৰে হিসেবে মানবতার কল্যাণে নির্বেদিতপ্রাণ প্রধানমন্ত্রী ‘মাদার অভ্য হিউম্যানিটি’ সংক্রান্ত খবরকে বেছে নেওয়ার জন্য ডিপ্লোম্যাট ম্যাগাজিনকে ধন্যবাদ জানান। তিনি বলেন, প্রধানমন্ত্রী শেখ হাসিনা মিয়ানমারের রাখাইন রাজ্য থেকে জোরপূর্বক বাস্তুচূর্য নাগরিকদের বাংলাদেশে আশ্রয় প্রদানের লক্ষ্যে বাংলাদেশ-মিয়ানমার সীমান্ত উন্নত করে দেওয়ার বলিষ্ঠ সিদ্ধান্ত গ্রহণ করেন। এর মাধ্যমে লাখ লাখ নিয়াতিত মানুষের জীবন রক্ষা করে বিশ্বসারী নিকট মাদার অভ্য হিউম্যানিটি হিসেবে পরিচিতি লাভ করেছেন। সূত্র : ইন্ফোক (পৃ.১৯,ক.১), সংবাদ (শেষ পৃ.ক.৪)।

৫। **যানজট নিরসনে আনুষ্ঠানিক উদ্বোধনের আগেই**

ভুলতা ফ্লাইওভার যান চলাচলের জন্য খুলে দেয়া হয়েছে : সেতুমন্ত্রী

সড়ক পরিবহণ ও সেতুমন্ত্রী ওবায়দুল কাদের বলেছেন, ৩৭৫ কোটি টাকা ব্যয়ে চার লেনবিশিষ্ট ভুলতা ফ্লাইওভারটি নির্মাণ করা হয়েছে। যানজট নিরসন ও জনন্দৰ্ভেগ ক্ষমতা আনুষ্ঠানিক উদ্বোধনের আগেই যান চলাচলের জন্য খুলে দেওয়া হয়েছে। সময় সুযোগ মতো যে কোনো সময় ভিডিও কলফারেসের মাধ্যমে প্রধানমন্ত্রী এটি উদ্বোধন করবেন। গতকাল (১৫ সেপ্টেম্বর রোববার) নারায়ণগঞ্জের রূপগঞ্জ উপজেলায় ভুলতা ফ্লাইওভার পরিদর্শনে এসে তিনি এসব কথা বলেন। সূত্র : ইন্ফোক (শেষ পৃ.ক.৩), আমাদের অর্থনীতি (পৃ.১,ক.৭), ডেইলি সান (শেষ পৃ.ক.৩)।

৬। **অধিক সার ব্যবহার পরিবেশের জন্য ক্ষতিকর : কৃষিমন্ত্রী**

কৃষিমন্ত্রী ড. মোঃ আব্দুর রাজ্জাক বলেছেন, নাইট্রোজেন ব্যবহার ফসলের উৎপাদন ৩০-৩৪ শতাংশ পর্যন্ত বাঢ়ায়। অধিক নাইট্রোজেন সমৃদ্ধ সার ব্যবহারের ফলে জমির ফসলের উৎপাদন বৃদ্ধি পায়। অন্যদিকে জমির উর্বরতা কমে যায়। অনেক সারের সঠিক ব্যবহার না জেনে জমিতে বেশি বেশি সার ব্যবহার করেন। যার ফলে সারের নাইট্রোজেন বাতাসে মিশে পরিবেশ দূষণ করে, আবার পানিতে মিশে মানুষের জন্য ক্ষতির কারণ হয়। তাই এর ব্যবহার পরিমিত করতে হবে এবং পর্যায়ক্রমে কমিয়ে আনতে হবে। গতকাল (১৫ সেপ্টেম্বর রোববার) রাজধানীর লেক ক্যাসেল হোটেলে আন্তর্জাতিক নাইট্রোজেন ব্যবস্থাপনা বিষয়ক এক কর্মশালায় তিনি এসব কথা বলেন। সূত্র : জনকর্ত (পৃ.১৮,ক.৬), বশিক বার্তা (পৃ.২,ক.১), ডেইলি সান (পৃ.১৮,ক.৮), ইভিপেনডেন্ট (শেষ পৃ.ক.৮)।

৭। আয়কর আপিল ট্রাইব্যুনালে জেলা জজ নিয়োগ হবে : আইনমন্ত্রী

দেশের আটটি আয়কর আপিল ট্রাইব্যুনালে আটজন জেলা জজ নিয়োগ করা হবে বলে জানিয়েছেন আইনমন্ত্রী আনিসুল হক। গতকাল (১৫ সেপ্টেম্বর রোববার) সচিবালয়ে আইনমন্ত্রণালয়ের সম্মেলনকক্ষে বাংলাদেশ ট্যাক্স ল' ইয়াস্স অ্যাসোসিয়েশন নেতাদের সঙ্গে তাদের বিভিন্ন দাবি-দাওয়া নিয়ে বৈঠকের সময় আইনমন্ত্রী এসব কথা বলেন। মন্ত্রী তিন সদস্যের ট্রাইব্যুনাল গঠনের মত দিয়ে বলেন, এদের মধ্যে একজন হবেন জেলা জজ বা জেলা জজ পদমর্যাদার বিচার বিভাগীয় কর্মকর্তা, একজন আয়কর বিভাগের কর্মকর্তা এবং আরেকজন আয়কর আইনজীবী। সূত্র : সমকাল (পৃ.৩,ক.১), ইতেফাক (পৃ.৩,ক.৫), ডেইলি সান (পৃ.১৪,ক.৫), ফিনানশিয়াল এক্সপ্রেস (পৃ.২,ক.১)।

৮। শেয়ারবাজারে না এলে বিমা কোম্পানির লাইসেন্স বাতিল : অর্থমন্ত্রী

অর্থমন্ত্রী আহ ম মুস্তফা কামাল বলেছেন, দেশের যেসব বিমা কোম্পানি এখনো শেয়ারবাজারে তালিকাভুক্ত হয়নি সেসব কোম্পানিকে আগামী তিন মাসের মধ্যে শেয়ারবাজারে তালিকাভুক্ত হওয়ার নির্দেশ দেওয়া হয়েছে। এ সময়ের মধ্যে যেসব কোম্পানি শেয়ারবাজারে তালিকাভুক্ত হতে পারবে না তাদের লাইসেন্স প্রাথমিকভাবে সাময়িক বাতিল করা হবে। তারপর কয়েকটি কোম্পানি মিলে একাত্তুত হওয়ার সুযোগ দেওয়া হবে। তারপরও যেসব কোম্পানি শেয়ারবাজারে আসতে পারবে না তাদের লাইসেন্স বাতিল করা হবে। গতকাল (১৫ সেপ্টেম্বর রোববার) শেরেবাংলানগরে এনইসি সম্মেলনকক্ষে দেশের সকল বিমা কোম্পানির এমতি ও চেয়ারম্যানদের সঙ্গে বৈঠক শেষে অর্থমন্ত্রী সাংবাদিকদের এসব কথা বলেন। সূত্র : ইতেফাক (শেষ পৃ.ক.৫), ইতেফাক (পৃ.৩,ক.৫), ডেইলি সান (পৃ.১৪,ক.৫), ফিনানশিয়াল এক্সপ্রেস (পৃ.২,ক.১)।

৯। প্রধানমন্ত্রী শেখ হাসিনা ও নরেন্দ্র মোদির বৈঠক আগামী ৫ অক্টোবর : পররাষ্ট্রমন্ত্রী

ভারত সফরকালে প্রধানমন্ত্রী শেখ হাসিনা আগামী ৫ অক্টোবর নয়াদিল্লিতে ভারতের প্রধানমন্ত্রী নরেন্দ্র মোদির সঙ্গে দ্বিপক্ষীয় বৈঠক করবেন। পররাষ্ট্রমন্ত্রী ড. এ কে আব্দুল মোমেন গতকাল (১৫ সেপ্টেম্বর রোববার) এ তথ্য জানান। প্রধানমন্ত্রী আগামী ৩-৪ অক্টোবর অনুষ্ঠেয় ইভিয়ান ইকোনমিক ফোরামে যোগ দেবেন। পররাষ্ট্রমন্ত্রী দ্বিপক্ষীয় বৈঠকে বেশ কিছু বিষয় উৎপাদন করবেন। তিনি আরো বলেন, বর্তমানে বাংলাদেশ ও ভারতের মধ্যে অতীতের যে কোনো সময়ের চেয়ে ভালো দ্বিপক্ষীয় সম্পর্ক বিবাজ করছে। সূত্র : সমকাল (পৃ.১৯,ক.৫), জনকষ্ঠ (পৃ.২,ক.৬), ডেইলি সান (পৃ.১,ক.৮), নিউ এজ (পৃ.২,ক.১)।

১০। প্রযুক্তির ব্যবহার আর্থিক খাতে স্বচ্ছতা বাড়াবে : শিল্পমন্ত্রী

ব্যাংক এবং ফাইন্যান্সিয়াল টেকনোলজি কোম্পানিগুলোর মধ্যে কার্যকর যোগসূত্র তৈরি দেশের আর্থিক খাতে স্বচ্ছতা ও গতিশীলতা আনবে বলে মন্তব্য করেছেন শিল্পমন্ত্রী নূরুল মজিদ মাহমুদ হুমায়ুন। গতকাল (১৫ সেপ্টেম্বর রোববার) জাতীয় প্রেসক্লাবে ‘ব্যাংক-ফিনটেক কোলাবোরেশন’ : এ উইন উইন সিস্যুয়েশন’ শীর্ষক সংলাপে প্রধান অতিথির বক্তব্যে তিনি এ কথা বলেন। মন্ত্রী বলেন, প্রযুক্তির ব্যবহার আর্থিক খাতে স্বচ্ছতা বাড়াবে, ব্যাংক ও আর্থিক প্রতিষ্ঠানগুলোকে ক্লায়েন্টবাদীর সেবা প্রদান এবং নতুন সেবাধর্মী কর্মসূচি গ্রহণে উদ্বৃদ্ধ করবে, যা বাংলাদেশের চলমান শিল্পায়নকে আরও এগিয়ে নেবে। সূত্র-সংবাদ (পৃ.১৪,ক.২), বণিক বার্তা (পৃ.২,ক.৫)।

১১। বহুমুখী বন্ত্রপণ্যের মেলা শিল্পকে আরও বিকশিত করবে : বন্ত্র ও পাটমন্ত্রী

বহুমুখী বন্ত্রপণ্যের মেলা আয়োজন করা হলে এ শিল্প আরও বিকশিত হবে বলে জানিয়েছেন বন্ত্র ও পাট মন্ত্রণালয়ের মন্ত্রী গোলাম দস্তগীর গাজী। তিনি বলেন, বন্ত্রশিল্প বাংলাদেশের অর্থনৈতিক কর্মকাণ্ডের একটি গুরুত্বপূর্ণ খাত। এজন্য বন্ত্রশিল্পের সফলতা অর্জন ও এর ধারাবাহিকতা বজায় রাখার জন্য এ শিল্পের সঙ্গে সংশ্লিষ্ট সবাইকে সহযোগিতা দেয়া ও উদ্বৃদ্ধ করাসহ উৎসাহিত করা হবে। বন্ত্র ও পাট মন্ত্রণালয়ের সম্মেলনকক্ষে গতকাল (১৫ সেপ্টেম্বর রোববার) ‘জাতীয় বন্ত্র দিবস-২০১৯’ প্রথমবারের মতো সফলভাবে উদ্বাপনের উদ্দেশ্যে আয়োজিত প্রস্তুতিমূলক সভায় তিনি এসব কথা বলেন। সূত্র-যুগান্তর (পৃ.১৫, ক.১), আমাদের অর্থনীতি (পৃ.১,ক.২)।

১২। বঙ্গবন্ধুর জন্মশতাব্দিকাতে ১ কোটি গাছ লাগানো হবে : দিজেন শর্মার স্মরণসভায় বনমন্ত্রী

বন ও পরিবেশমন্ত্রী শাহাব উদ্দিন বলেছেন, বঙ্গবন্ধুর জন্মশতাব্দিকাতে তাঁর মন্ত্রণালয়ের পক্ষ থেকে সারাদেশে এক কোটি গাছ লাগানো হবে। তিনি বলেন, জলবায়ু সমস্যা সমাধানের একমাত্র উপায় হলো বৃক্ষ। বৃক্ষ দ্বারা চারদিক আচ্ছাদিত করলে জলবায়ু সমস্যার সমাধান হবে। গতকাল (১৫ সেপ্টেম্বর রোববার) রাজধানীর জাতীয় জাদুঘরে উজ্জিদবিজ্ঞানী অধ্যাপক দিজেন শর্মার দ্বিতীয় মৃত্যুবার্ষিকী স্মরণে আয়োজিত ‘তরঙ্গপন্থ দিজেন শর্মা নিসর্গ পুরস্কার-২০১৯’ প্রদান ও স্মরণানুষ্ঠানে প্রধান অতিথির বক্তব্যে তিনি এসব কথা বলেন। সূত্র : সমকাল (পৃ.৪,ক.২)।

১৩। চীনের প্রতিনিধিদলের শূন্যরেখা পরিদর্শন :

নিজ দেশে ফিরতে চীনের সহযোগিতা চাইলেন রোহিঙ্গা

নোম্যান্স ল্যান্ডের রোহিঙ্গা। সেনা নিপীড়নের মুখে মিয়ানমার থেকে পালিয়ে এসে তুমকু সীমান্তের কোনারপাড়া নোম্যান্সল্যান্ডে অগ্রিম রোহিঙ্গাদের দেখতে গতকাল (১৫ সেপ্টেম্বর রোববার) আসে চীনের প্রতিনিধিদল। ৯ সদস্যের প্রতিনিধিদলের নেতৃত্বে রয়েছেন ঢাকায় নিযুক্ত দেশটির রাষ্ট্রদূত লি জিমিং। প্রতিনিধিদল জিরো লাইনের রোহিঙ্গা ক্যাম্প পরিদর্শনের সময় তাদের সার্বিক বিষয়ে খোঁজ নেন। সূত্র-যুগান্তর (পৃ.৩,ক.১), আমাদের অর্থনীতি (পৃ.১,ক.৬), নিউ নেশন (পৃ.১,ক.১), অবজারভার (পৃ.১,ক.৬)।

১৪। প্রধানমন্ত্রীর বিদেশ সফর উপলক্ষে বিমানবন্দরে উপস্থিতি নিয়ে মন্ত্রিপরিষদের প্রজ্ঞাপন

প্রধানমন্ত্রীর বিদেশ যাওয়া এবং দেশে ফেরার সময় বিমানবন্দরে তাঁকে বিদায় ও অভ্যর্থনা জানানোর বিষয়ে নতুন নির্দেশনা জারি করেছে মন্ত্রিপরিষদ বিভাগ। মন্ত্রিসভার একজন সিনিয়র মন্ত্রী, বেসামরিক বিমান চলাচল ও পর্যটন মন্ত্রণালয়ের প্রতিমন্ত্রীসহ ১৭ সংস্থার প্রধান/প্রতিনিধিদের ঐ সময়ে বিমানবন্দরে উপস্থিত থাকা বাধ্যতামূলক করা হয়েছে। ১১ সেপ্টেম্বর মন্ত্রিপরিষদ সচিব স্বাক্ষরিত একটি প্রজ্ঞাপন জারি করা হয়। **সূত্র-যুগান্ত্র (পৃ.২,ক.৫), অবজারভার (পৃ.১,ক.১)**।

১৫। দুর্নীতির দায়ে বরখাস্ত হওয়া ব্যাংকারদের তথ্য কেন্দ্রীয় ব্যাংককে জানাতে হবে : প্রজ্ঞাপন জারি

অনিয়মের দায়ে শাস্তির আওতায় আসা ব্যাংক কর্মকর্তাদের তথ্য গোপন করা যাবে না। ব্যাংকের কোনো কর্মকর্তা অর্থ আত্মসাধ, দুর্নীতি, জাল-জালিয়াতি, নেতৃত্ব স্থলনজনিত কারণে চূড়ান্তভাবে বরখাস্ত হলে তার ব্যক্তিগত তথ্য কেন্দ্রীয় ব্যাংককে পাঠানোর নির্দেশনা দেয়া হয়েছে। গতকাল (১৫ সেপ্টেম্বর রোবার) বাংলাদেশ ব্যাংক এ সংক্রান্ত একটি প্রজ্ঞাপন জারি করে। **সূত্র : ইন্ডেফাক (পৃ.১৯,ক.৫)**।

১৬। আজ বিশ্ব ওজন দিবস

আজ বিশ্ব ওজন দিবস। ওজনস্তরের ক্ষয় ও এর ক্ষতিকর প্রভাব সম্পর্কে বিশ্বব্যাপী গণসচেতনতা তৈরিতে প্রতিবছর ১৬ সেপ্টেম্বর আন্তর্জাতিক ওজন দিবস পালন করা হয়। বিশ্ব ওজন দিবসে এবারের প্রতিপাদ্য ‘মন্ত্রিল প্রটোকল : ওজনস্তর সুরক্ষার ৩২ বছর’। বিশ্বের অন্যান্য দেশের মতো বাংলাদেশেও এ দিবসটি পালিত হবে। দিবসটি উপলক্ষে রাষ্ট্রপতি মোঃ আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। **সূত্র-সংবাদ (শেষ পৃ.ক.৫), জনকর্ত্ত (পৃ.৩,ক.৬), নিউ নেশন (পৃ.৩,ক.৮), ডেইলি সান (পৃ.১৪,ক.৮)**।

সম্পাদকীয়

- ক.** **যায়যায়দিন :** গত এক মাসে রাজধানীতে বেপরোয়া বাসের ধাক্কায় কিংবা চাপা পড়ে নিহত হয়েছেন ১৫ জন এক প্রতিবেদনে তা প্রকাশিত হওয়ার কথা উল্লেখ করে সবার আন্তরিকতায় দেশব্যাপী নিরাপদ সড়কপথ গড়ে উঁচুক, সড়কে শৃঙ্খলা প্রতিষ্ঠিত হোক, রোধ হোক দুর্ঘটনার পুনরাবৃত্তি বলে প্রত্যাশা ব্যক্ত।
- খ.** **বণিক বার্তা :** একদিনের ব্যবধানে পেঁয়াজের দাম বেড়েছে ১৫ টাকা উল্লেখ করে নিয়ন্ত্রণের নিয়ন্ত্রণ ও মজুদের সুষ্ঠু বন্টন নিশ্চিত করার ওপর গুরুত্বারোপ।
- গ.** **সমকাল :** লালমনিরহাটে ৫৭টি পাখি হত্যার খবরে ক্ষুদ্র প্রতিক্রিয়া ব্যক্ত করে পশুপাখি হত্যাসহ পরিবেশবিরোধী যেকোনো ঘটনায় প্রশাসনকে কঠোর পদক্ষেপ নেওয়ার সুপারিশ।
- ঘ.** **যুগান্ত্র :** শেরেবাংলা মেডিকেল কলেজ হাসপাতালে বহিরাগতদের দৌরান্ত্যে রোগী, রোগীর স্বজন, খোদ হাসপাতাল কর্তৃপক্ষ অসহায় হয়ে পড়েছে উল্লেখ করে শেবাচিমসহ সব হাসপাতালের সুষ্ঠু পরিবেশ নিশ্চিত করার ওপর গুরুত্বারোপ।
- ঙ.** **সংবাদ :** চট্টগ্রাম মহানগরে ওয়াসার পানির পাইপলাইনের ছিদ্র কিছুতেই বন্ধ হচ্ছে না উল্লেখ করে পাইপলাইনগুলো দ্রুত ও সঠিকভাবে সংস্কার করে সমস্যার স্থায়ী সমাধান করার সুপারিশ।
- চ.** **ইন্ডিপেন্ডেন্ট :** ডেঙ্গু আক্রান্ত রোগীদের মধ্যে মহিলা ও শিশু রোগীরা অধিক মৃত্যু ঝুঁকির মধ্যে থাকে উল্লেখ করে ডেঙ্গু প্রতিরোধে সচেতনতার আহ্বান।

উপসম্পাদকীয়

জনকর্ত্ত পত্রিকায় প্রকাশিত কলামে উল্লেখ করা হয়েছে, প্রধানমন্ত্রী শেখ হাসিনা বিশ্বজুড়ে যে অবস্থান তৈরি করেছেন তা বাংলি জাতিকে এক উঁচু অবস্থানে নিয়ে যাচ্ছে।

নিবন্ধ ও ফিচার

ইন্ডেফাক পত্রিকায় প্রকাশিত ‘আন্তর্জাতিক আমাদের দায়বদ্ধতা’ শিরোনামের নিবন্ধে বলা হয়েছে, আমাদের সমাজ ও দেশকে আন্তর্জাতিক যথাযথ পদক্ষেপ নেয়া উচিত।

#

ডালিয়া/রিদওয়ান/সাঈদা/রশীদ/২০১৯/৯.০০ঘন্টা

